






Dv 838



Vericht vnd Erklerung

Georgij am Wald / der
Rechten Licentiaten / *Philosophie* vnd beyder Ar-
zeneye Doctoris an jeko bestalten Physici des H. Reichs
Statt Thonawerdt / Wie vnd was gestalt das new von jm erfunden
Terza Sigillata vnd vniversal Arzeney / wider die Pestilenz vnnnd dero zus-
fellen / auch allerley eingenommen Gifft / biß vnnnd stich der Gifftigen Thies-
ren / für das Viertäglich vnd allerley Fieber / Seiten stechen / oder geschweh-
ren / auch andern innwendigen geschweren mehr / neww Haupt oder Vnges-
risch Kranckheit / Wassersucht / Gelbsucht / Würm / Grimmen / Sandt /
Harnwindt / Contractur oder Leme / Zu wehetagen / auffstossung vnd reiniz-
gung der Muetter / verhaltung des Wassers vnd der Weiber blumen / Kus-
ckenwehe / austreibung alles verstockten Bluts / reinigung des ganzen
Gedlüts im Leib / Franzosen / des Miltz vnd allerley anderer innwendiger
Glieder verstopffung / allen vnwissenden / vnerkandten / Geheligen franck-
heiten / Gewalt Gottes / Hinfallende / Freyß oder Vergicht / verfallner
Sprach / Labung vnnnd erquickung des Lebens / sterckung des
Haupts / Gedechnuß / Vernunfft / Sinn vnd des ganz-
zen Leibs / Vnd vil andern grossen schweren
Kranckheiten mehr / zugebrauchen .
sey / vnd ein jeder sich daruor
bewahren sol / c . .

Der Schatz / so man hie finden thut /
Ist zubezalln mit keinem gut .

GALENVS .

Manifestæ experientiæ est fides habenda, nihil
etiam citra rationem audendum : nihil etiam
citra demonstrationem Tyrannico more dam-
nandum .

M . D . LXXXI .

Arte Cui breuior, minimum nec tripla Galeno
Vita peregrisset firmiter artis opus.
Ille tamen, decies denis nonum addidit annum.

Hic, septena quater lustra superstes erat.
Felices igitur, quibus ante Georgius am VVald
Quam sex lustra videt consuluit medicus.
Consuluitq; idem Sapiens & Iureperitus.

Non mens terrena est: venit ab Arce Poli.
Scire licet, medicis desertus turpiter aeger
Vnius illius sapè reuixit ope.

Ille tenet rabida medicamina certa Podagra.
Vesica lapides diffluere ille facit.

Succurrit membris atro languore caducis
Dirus hydrops, elephas illius arte fugit.
Abdita natura scrutantem, illum propè solum
Aetas nostra tulit, posteritasq; feret,

Ioannes Haslerus Bernas
Philosophia ac Medicina
Doctor fecit.

An meine Mißgönner.

Welcher ein rechter Arzt will sein
Der muß sein Kunst haben allein
1. Cor. 12. Von Gott/ vnd nit auß falschem wohn
Sonst hat er schlechte ehr darvon.
Das sieht man wol wie diese bstehn/
So auff der Gottlosen grundt gehn.
Ich nimb was gut ist allweg an/
Das feinnütz laß ich bleiben stan.
Wer mich drumb will für sein Feindt han/
Muß gwiß nit sein ein Erbar man.
Warheit sol sein allzeit mein grundt/
Vnd mich nit irn der falschen mundt.
Psal. 94. Dann Recht muß recht bleiben allzeit/
Vnd dem werdñ beysthan fromme leydt.
Bell wider bell jetzt wie du wildt/
So hab ich Gott zu meinem Schildt.

Amicus Galenus, amicus Paracelsus:
At maxima amica Veritas,
& præualet.

Wircklich die wirckung belangend/ soll man wissen/ das
 diese Teutsche Terra Sigillata am Waldina/ alsbald sie
 eingenommen wirdt / vnd in den Leib kommet/ den selben
 vnd aller desselben glieder Penetriren vnd durchgehn thut/
 Inmassen dann ein jeder solches empfindt/ der achtung drauff gibt.
 Etlichen werden die hend vñ füß weiles würckt gar ein wenig schwer
 vnd matth. Etlichen schlaffen sie: Etlichen Zittern sie vnd gruselt
 ihnen darinn/ doch on allen schmerzen/ vnd wehret nicht lang. Vnd
 wo sie etwas vberflüssigs/ vnreins vnd böses/ das in Leib nit gehört/
 vnd die Kranckheiten macht/ findet / So greiffet sie dasselb an/ on al-
 len schmerzen vnd schaden des Leibs glieder. Ist dann nun dieselb
 vitiosa od schadhafft Materia coaguliert (wie dann nit alle Kranck-
 heiten humores oder feuchtungen sein) so löset sie es alsbald auff vñ
 verzert als ein vnsehtig Feuer/ vnd ist doch kein Feuer macht auch
 kein inflammation weder Metallischer noch anderer weis / wie etwan
 ein neidischer mensch möcht fürgeben. Was aber von ihr nicht kan
 verzert werden/ das schickt sie durch eines jeden glids nechst eignes
 vnd bequeemblichsten außgang hinweg/ also vnd dergestalt/ sol etwas
 per vomitum vnd vndewen weggehn/ so thut es/ gleichwol ander ge-
 stalt auch nit/ als wann der magen durch das gift hart eingenommen
 worden/ vnd vol schleims vñ Gallischer Materien steckē thut. Ferner
 soll etwas durch den Stulgang/ schweiß/ Urin oder wasser auß ge-
 führt werden/ so thut es auch/ doch gar Lindlich/ on schmerzen/ Con-
 uulsion, zwang/ schaden vnd verlesung des leibs glieder / auch nicht
 nach art der groben vnd schedlichen Arzneyē/ als da sein Antimoniz-
 um, Mercurius Præcipitatus, Nießwurk/ Coloquint/ &c. Sondt lest
 also wz gut ist vnverlest bleiben/ sterckt vnd krefftig dasselb. Wer aber
 vmb die Præstirten vñnd erzeigten Exempla (deren nicht ein kleine
 anzahl) nichts weißt/ der kan vñ wirt die Prob an einem vnvernünff-
 tigen Thier/ dem gift eingeebe/ erfahren. Solche wircküg aber fin-
 det man nit/ weder im Einhirn/ Türckische Terra Sigillata/ Bolo
 Armeno, Theriaca/ Nithridato/ Gulden ay/ noch ardn arzeneyen/
 so man bisanhero wider die Pestilens vnd gift gebraucht hat. Fern-
 ner vnd zu dem/ so darff man sich mit Purgierē/ Crisieren/ schräpf-
 fen vnd Aderlassen nit vil/ wie man bishero im brauch gehabt/ bemü-
 hen. Dann dardurch die Naturen d' Krancken nur mehr geschwecht/
 so sie doch billich wider das Gift solten gesterckt werden. So hat

man auch obseruirt / vnd erfahren / das bemeltem Proceß nach / mehr an der Pestilens gestorben / dann auffgericht worden.

Souil von der Wirkung dieses Terra Sigillata am Waldina.
Nes will ich berichten / wie man sich mit dem selben vor der berührten schrecklichen Kranckheit der Pestilens Präseruieren vnd bewahren soll.

Mann soll alle morgen nüchtern (weil die Pestis regiert) insonderheit wann mann auß dem hauß gehn will / ein wenig (wie hernach soll angezeigt werden) von disem Terra Sigillata in einē warmen meth oder Suppenbrülin / oder in einem Wehmuth / oder Cardobenedict / oder Salue / oder Alandt / oder Benedict wurk / oder Regel oder Wechholderbeer / oder Rosmarin oder sonsten gemeinen Wein / oder deren Wasser einem so hie vnden in der Curirung vñ heylung der Pestilens erzelt werden / einnehmen / vnd zwo oder drey stund darauff fasten. Der aber daheim in seinem Gemach oder Behausung bleibt / darffs also oft nicht einneimen / Sonder hat an der bereuchung gnug / die sol von Wechholder holz / reys / oder beer / oder Weyrauch / oder Würhen / oder von dem Terra Sigillata am Waldina (welche die lieblichst vnd gesundest bereuchung wer) zu gericht sein.

Die gar starcken Leut sollen von dem Terra Sigillata zu einem Präseruatiff gebrauchen drey Gersten oder Pfeffer körner schwer. Die Mittelmässigen Männer vnd starcken Weibspersonen drißhalb Gersten oder Pfefferkörner schwer. In gemein die weiber / vnd die jungen / so von achsehen Jaren vnd darunder zwey Gerste oder Pfefferkörner schwer. Die schwangern frawen / Kindbetttern vnd kinder vnder zwölff Jaren anderthalf Gersten oder Pfefferkörner schwer. Die kinder von acht Jaren ein Gersten oder Pfefferkorn schwer. Die Kinder von Sechs Jaren ein halb Gersten oder Pfefferkorn schwer. Denen aber bitter ding zu wider / die mögen darzu honig oder zucker mengen / Mögen auch zucker zettel darauff machen / oder in einer durren Feygen einnehmen. Man soll auch stettigs einen Bisemknopff auff die weis (wie volgt) zugericht in henden haben / daran man reuche. Mann soll der Terra Sigillata am Waldina eins oder zwey groblecht zerstoffen oder zerschneiden / in ein doppelt leinen tüchlein gewicklet / vnd mit einem Essig ein wenig angefeucht / vnd dann in ein Silbern oder hülken Bisemknopff von Wechholder holz gemacht / thun / vnd oft darzuriechen. Neben dem soll man auch ein zettel diser
Terra

Terra Sigillata am Waldina inn ein Leinen oder Seiden tüchlein binden vnd immerzu am halß tragen. Wer viel vnnnd oft vnder das Volck kumpt / beuorab zu denen / die mit der bösen Sucht behafft / die sollend ein wenig von diesem Terra Sigillata in Mund nehmen. In der Wochen oder in viersehen tagen auffß lengst / soll man ein mal so viel von diesem Terra Sigillata einnehmen / als einer / so allbereit mit der Sucht schon beladen einnehmen muß / Dauon man hernach in der Cur vnd heilung gnugsamen bericht finden wirdt. Diß soll zu morgents nüchtern beschehen / darauff ein stund / anderthalb oder zwo / so lang es die krafft erleiden mag geschwist / vnd vier stund vngefahrlich nüchtern geblieben / Wer seine stulgäng nicht täglich haben kan / der soll sie ihm mit zäpflein von Maun / oder Speck oder Seyffen / oder von vier Lot gesotten Honig vnnnd zwey quintel gestossen Senetblätter vnd ein quintel Sals vermischet / Oder mit andern geringen Purgir Arzneyen / als von Himmel schwertel / oder Senet / oder Engelsies / oder Zwetschgen / zc. machen. Was einer für Speiß meiden soll / wirdt hernach in der Cur erzehlt. Ein geringer subtiler Wein ist der nützlichest Trancck. Sonsten soll sich auch einer hüten vor füllerey / Zorn / Forcht / Trawrigkeit / Mittagsschlaff / gemeinen Bädern / vnd aller vnßauberkeit / etc.

Also hat man gehört / wie man sich mit diesem Terra Sigillata vor der Pestilenz bewahren soll / Jetzt will ich auch ferner anzeigen / wie man damit dieselb vnd dero zufellige Kranckheiten Curieren vnd heylen soll.

Demnach wenn Gott der HErr einen mit dieser erschrocklichen Sucht der Pestilenz heimsuchet / So soll er erstlich vnnnd zuvorderst Gott den Allmechtigen vñ abwendung seines Zorns vñ der Kranckheit / mit rechtschaffner Buß vnd Warhafftem glauben anrufen vñ bitten. Darnach soll er als bald vnd von stundan je ehe je besser diese Terram Sigillatam am Waldinam in nachverzeichneter quantitet vnd gestalt einnehmen / Vnd darauff in einem bett wol zu gedeckt / vnge schlaffen / zwo / drey oder vier stunde / so lang es die krafft vnd natur erleiden mag / schwitzen / vnd Lechlich den Schweiß mit Tüchern gar wol vnnnd Warm abtrüeknen / vnd den Krancken in ein frisch Bett / vnd frische Tücher legen. Den gar starcken Leuten sol man ein ganzes Bettel / wie es ist geben / Helt einen Scrupel oder den dritten theil von einem quintel. Den Mittelmessigen Mannen vnd Starcken

Weibs personen soll man Sibenzehen oder achtzehen Gersten oder Pfeffer körner schwer vngeserlich geben. In gemein den Weibern/ vñ denen so von achtschen jaren vnd darunder sol man fünffsichen od sechschen Gersten oder Pfeffer körner schwer vngeserlich geben. Den Schwangern Frauen/ Kindbettern vñ kindern vnder zwölff jaren/sol man Zwölff oder dreyschen Gersten oder Pfeffer körner schwer vngeserlich geben. Den kindern von acht jaren sol man acht oder neun Gersten oder Pfeffer körner schwer vngeserlich geben. Kindern vnder Sechs jaren/ soll man Sechs oder Sieben Gersten oder Pfeffer körner schwer vngeserlich geben. Ferner es sey Sommer oder Winters zeit / es kom auch ein person die Pestilenz mit hitz oder frost an/ so mögen es alt vnd junge Leut/schwangere Frauen/ Kindbettern vnd kinder/dise Terram Sigillatam einnemen/in einẽ kleinen Trüncklein nemlich einen oder zwen Löffel vol gewermbten Cardo benedict/oder Wein rauten/oder Erdrauch/oder Bethedistel/oder Borago/oder Erdbeer/oder Creuzwurz/oder Schliffelstüm/oder Ehrenpreis/oder Eysenfraut oder Braunnellen/oder Melissen oder Bethonien/oder Saurampffer wassers/oder Rosen essigs/oder ein geringen weissen weins/ein wenig mit Rosen essig vermischet / d gleichwol gegen den kindern nit sol gebraucht werden. Oder die solche wasser vnd Materien zur not nit haben können / die mögen es in einẽ warmen geringen vnd nit sehr gehöpfften Bier vnd Erbis od Fleisch brülein einnemen. Welche aber nicht gern bitter ding brauchen/die mögen es einnemen in einem Meeth/oder mögen darzu Honig oder Zucker mengen. So auch die Arseney wider von dem kräncken breche oder stossen wolt /sol man jm so oft widerum ein andere geben/vor angezeigter quantitet vñ gestalt/bis sie bleiben thut/doch sol allweg zuuor der mund mit essig vnd wasser vnder einander vermengt/oder Wein/oder wasser allein/welches man in der not haben kan/wol auß gespüet werden. Damit aber auch die Arseney desto lieber bey dem Krancken bleibe/so sol man ein schnitten Brot (wañ es bähẽt/wers besser)in essig nese/darauff Muscatnuß puluer strewẽ/ vnd dem francken für den mundt heben / vnd darzu riechen lassen. Auch ein vngesotten roh Ey jm in das grübel vnder der gurgel legen. Wann der Patient nicht schwitzen kan/sol man ihm den Rucken ab vnd ab/vñ die Solen an beyden Füßen mit Lorber oder Rauten/od Holder blü/oder Sanct Johanna kraut blü öl/on Terpentin zuge-
richt/

richt/warm schmiren/vnd darnach etlich gepratn: zwibel genossen/
vnd halb so viel Holder oder Beckholder Seltz oder Latwergen/
vnd einander gemenget/auff ein leinen tuch Pflasterweiß gestrichē/
vnd auff's werimest vber den Nabel geschlagen. Oder einen heissen
neuen Ziegel stein mit einem leinen tuch in essig genest/vnngeschla-
gen/zun füssen an die Solen gelegt. Oder man mag vier säcklein
von leinem tuch machen/dieselb mit Schelkraut oder brennend nes-
seln/oder Cardo benedict kraut anfüllen/vnd wann sie ein weil im
wasser gesotten / sol mans ein wenig auß trucken / vnd darnach eins
zwischen den Beinen ob den Knien legen / das ander vnden an die
Solen/das dritt vnder den Rucken/vnd das vierdt vornen auff das
Herz grüblein. Im schwitzen sol der Patient/wie vor vermeldet/ nit
schlafen/auch jm der schlaff innerhalb den ersten vier vnnnd zwenzig
stunden keins wegs gestattet werden. Wan er aber je sich des schlaf-
fens nicht enthalten köndte/sol man ihn bey der Nasen/Dhren vnd
haar stopffen/auch statts einen schwamm oder tüchlein/in scharffen essig
geneset für die Nasen halten. Die weil er schwizet / sol man den lufft
im gemach mit allerley bereuehung seubern. Man kan auch kein bes-
sere/gesundere vnd lieblichere bereuehung haben / als wann man ein
wenig von dem Terra Sigillata am Waldina auff ein glut leget/
das krefftigt vnd sterckt die natur gewaltig vnd verdreibt allböß vnd
schedlich lufft / etc. So etwa der franck im schwitzen ohnmechtig
wirt/sol man ihn nicht geheling auß dem schweyß reysen vnd külen/
Sonder man sol in im bett erquickten vnd laben mit wolriechenden
vnd köstlichen wassern/als Rosen oder Negel blümen oder Lauendel
essig. Man mag jm auch beneben eingeben ein etlich tropffen Zimet-
wasser oder andern köstliche lebendigen wassern. Item eingemachte
Citronen/oder Margranten/oder Krafft zettel / oder Rosenzucker/
oder Barago zucker/oder Melissen zucker / oder Beyel zucker/ oder
Erbsal/oder S. Johannis Berlin Safft. Aber die best labung wer/
das man ein gersten korn schwer von dem oft berührten Terra Si-
gillata vnder zimlich vil zucker vermengt/in einem oder zwen Löffel
voll Lauendel/od Melissen /oder Saurampffer oder Rosen wasser
eingebe. Beneben soll man auch nehmen ein Eyer dotter / Wey-
rauch/ Saffran / vnnnd Sals jedes gleich vnnnd souil als mann mit
zweyen fingern fassen kan / wol vnder einander gemischet/vnd pfla-
sterweiß vber beyde Puls der henden gebunden. Dieser gestalt sol
man

man ihn auch laben / wann ihm nach dem schweiß ohnmächtig werden wolt. Vnd da ihm auch im schwitzen ein solcher grosser durst vberfiel / das er vermeint könt nicht vngetruncken sein / So mag man ihm der jeh bemelten Wasser eins mit einem oder zween Gersten körner schwer von dē Terra Sigillata am Waldina vnder zimlich vil zucker vermengtet ein guten trunck oder zwen / vnd mehr als sonst zur labung gehört / doch nicht zu sehr kalt zu trincken geben / vnd nicht desto weniger den schweiß gar verrichten / Aber gar nichts getruncken wer am füglichsten. Wann sol auch gut achtung geben / das der Kranck im schwitzen das haupt nit vnder der decke / sonder frey habe / vnd ist gnug das es mit einer schlaffhauben vmbgeben sey / Vnd da auch im schwitzen das haupt mit hitz beschweret wurde / So sol man nemen etlich lebendige Krebsen die selb also lebendig in einē mörser zu einem mueß zerknitschen / durch ein Leinen tuch getruckt / vnd ein wenig Rosen oder Holderblust Essig darvnder gemengtet / auff ein toppelt Leinen tuch gestrichen / vnd dann vber beyde schläff vnd stirn gelegt / vnd wann es trucken worden / widerumb in jeh angezeigte Materien eingeneckt vnd vbergeschlagen / Dieses so oft gethan / bis die hitz vergangen. An dessen statt mag man auch nemen von vier Eyern das Clar / darunder vier Löffel voll Holder oder Rosen essig sampt einem quintel Gaffer vnd einem quintel Beyrauch klein zerriben vnd gestossen vermengtet / wol vnder einander geklopffet / vnd dann angeregter gestalt vber die schläff vnd stirn geschlagen.

Wann nun der Kranck gnugsamlich geschwizet / so sol man das bett / wie oben berichtet / mit rein geweschnen tüchern erfrischen / oder da es in sein vermögen / sol man ihn in ein ander bett vnd Gemach / inn welchem der Luft auff vor angezeigter weis gereiniget / legen. Nach dem schweiß zwo stundt vngefährlich (wann es ihm anderst nicht zu lang vnd er zu Schwach) sol man ihm geben ein Hennen oder Capaun oder ein Krefstigs fleisch Suplein / das zimlich wol geseuwret sey mit Essig / vnd dis sol oft beschehen / damit er sein gemach widerumb zu Krefsten gebracht werde. Er sol etlich tag / stark / grob / schleimig / scharpff gewürkt vnd vnderwige speis meiden / vnangesehen / ob er sich schon wol befunde / Vnd was er sonst essen thut / das sol ein wenig sawr gemacht werden von Essig oder von sauren Säfften / als Erbsal / oder Johannis Berlein / oder Weichsten oder Sauvrampffer / oder Agrest / oder Citronen / oder Limonien / oder
saur Pom

faur Pomeranzen/ñ. Sein tranck sol sein ein frisch Brunnenwasser/
darinnen zimlich vil zucker Rosat/oder (das noch besser wer) der jeh be-
rärten Säfften einer zerriben/sonderlich der Erbsal Safft/ Vnd bes-
toben auch ein schnitten Brots / ein geweicht sey. Solches Tranck
ist ihm gesunder als gesotten Gerstenwasser / welche die francken nur
noch mehr schleimiger machen. Den wein sol er meyden auff vierze-
hen tag vngefehrlich/es wer dann sach/das einer gar Krafftlos vñnd
jchwach/auch des Weins gewohnet/ So mag man ihm als dann ein
geringen / Subtilen weissen Wein zutrincken zulassen/ Doch das er
mit Rosen/oder Sauwramppfer/oder Borago oder Melissen wasser/
oder mit nechst hieoben angezeigtem tranck gemischet sey. Neben dem
essen vñnd trincken/sol man stetigs andere gute sterckung gebrauchē
als die jenigen / so ich oben erzehlt. Vñnd sol in sonderheit von diesem
nach verzeichneten Latwerg im tag gar oft schlecken / Man sol nem-
men Rosenhonig drey lot / Erbsal Safft zwey lot / Engelsies vñnd
Fenchel samen klein zerstoffen jedes ein quintel / vñ alles wol vnder-
einander gemenget. Dieser Latwerg krefftigt / kält/nimpt den husten
weg/vñnd behelt den Leib fein natürlich offen/Wer in siesser wil habē/
sol noch ein lot Rosenhonig darzu mengen. In henden sol er allweg
etwas wolriechendts haben/daran er reuche / Vñnd kan nichts liebli-
chers vñnd das in mehr erquickē/haben/Dann den Bisemknopff/so ich
droben in der Praferuierung vñnd bewahrung vor der Pestilens ver-
ordnet. Außwendig sol man ihm die lincke bru st / darunder das hertz
ligt mit diesem nachfolgenden Sälblein oft schmieren. Man sol
nehmen Melissen ein quintlein / Saffran vñnd Gaffer jedes ein halb
quintel mit frischem butter zu einem Sälblein gemacht. Dis sterckt
das hertz sehr wol/Vñnd mag vor/in vñnd nach dem schwitzē gebraucht
werden. Er sol auch den mundt mit deren Materien einer so hieoben
darzu verzeichnet oft spülen.

Wann dann nun der Kranck den ersten Schweiß vollbracht / so
sol er nach acht oder neun stunden (wann es ihm anderst krafft halben
müglich) widerumb ein Terram Sigillatam einnehmen / vñnd sich
aller dings halten / wie hieoben erzehlt. Obersteht er nun auch diesen
schweiß/So bedarff er sich hernach nichts mehr befahren/wann auch
die Sucht schon vber die 24. stunden angestanden / Es wölle dann
Gott der Herz sonderlich einen straffen / Vder es ist ein sen von Gott
auffgesetztes Zill verhandē. Es sol auch nachvolgendts der franck nicht

B

vñnder=

Widerlassen / noch alle tag / oder auff's wenigst vber den andern tag
allwegen so lang er sich vbel befindet / auff acht tag vngeschlich ein
Terram Sigillatam angezeigter gestalt / ein zunehmen / Vnd allwe-
gen dar auff geschwist / Damit das Giffit gar durch Gottes hilf weg
getrieben werde / vnd nit wie es bald beschicht wider komme. Doch
darffer hernach so lang mit mehr schwitzen als zuuor.

Ferner wann sich Beulen / Drüsen oder Blattern erzeigen / so sol
man die bletter von Braunbeer staudē / oder Flöckfraut (d̄z noch besser
vñ krefftiger wer) mit den schwarzē oder roten flecken in wein sieden /
vnd Pflasterweiß ein wenig warm vberschlagen / d̄z weicht vñ macht
nit allein zeitig die beulen vñ geschwären / sonder zeucht auch d̄z giffit
gewaltig vom herzen. Oder man mag an deren statt nemmen weissen
mel / Honig / vñ ein wenig Salz / ein teiglein dar auß gemacht vñ vber
geschlagē. Oder man mag auß Bolo Armeno vñ Feygē wol vnder
einander gestossen / ein Pflaster machē. Oder man mag nemmen einen
zimlichen grossen gebratnen zwibel / oder vogelleim / vñ darunder ein
gepulueris Zeltlein des mehr bemeltens Terra Sigillata mengen /
vnd Pflasterweiß / wie angezeigt / vbergelegt. Doch sol man achtung
geben / das solche pflaster auff's wenigst im tag zweymal ernewet / vñ
in der mitte etwas geöffnet werden / damit die Giffitigen demiff auß-
schlagen mögen. Wann nun die Beulen also zimlich herfür gezogen /
vnd aber von ihñ selbst nicht auff brechen wolten / So sol man sie am
dritten tag hernach oder zuuor / ob sie schon nit zeitig / mit einer slit-
ten öffnen. Darnach sol man die offtebemelt Terra Sigillatam /
oder Alaun / oder Vitriol / oder Weinstein klein gepuluert mit honig
vnd Eyr doter / zu einem Sälblein machen / vnd ein fesselein damit be-
streichen / vnd in den schaden legen. Darüber sol man auch nach ver-
zeichnets am Baldinisch Pflaster legen. Oder man mag auch eben
mit disem am Baldinischen Pflaster ein wiglein od fesselein bestrei-
chen / in den schaden gelegt / vnd von aussen dar auff das Pflaster / wie
jetz bemelt. Dardurch wirdt nit allein das faul fleisch / Eytter / vnd
alle oberflässige unreinigkeit auß den geschwehren weg genommen /
Sonder sie werden auch dardurch von grund auß gereinigt / vnd zu
vollkōmlicher heilung gebracht. Das Am Baldinisch Pflaster sol
also zugericht werden. Man sol Ammoniaci klein zerstoßen vier lot
in einem eßig zerlassen / vñnd suttiglich sieden / vñnd dann also heiß
in einen Sack seihen vnd trucken / So bleibt das unrein dahin-
den. Dar

den. Darnach sol man was durch gesigen vnd getruckt / widerumb
sieden so lang biß der essig gar daruon gerochen. Man sols auch stet-
tigs rüren / Damit es nit anbrenne. Dann sol man in einem andern
besondern verglasten Hasen / oder pfannen zehen lot wachs vnd
Sechs lot Hasenschmaltz bey einem Feurlin gar langsam zergehn
lassen / vnd wann es ein wenig kühl worden / So sol man darnach den
vorgessotten Gummi / vnd darzu Dammharz zehen lot / Item Ter-
pentin / Myrrhen / Meusörlein kraut / Tormentil jedes zwey lot da-
rein thun / Doch sol alles zuuor klein gepuluert werde / Was sich pul-
uern leß vnd also zu einem Pflaster gemacht. An statt des Am-
oniaci mag man so viel Galbanj oder Bdellij nemen. An statt des
Hasenschmaltz souil Leinöls / aber das Hasenschmaltz wer besser. An
statt der Myrrhen souil Weyrach oder Mastix. An stat des Meus-
örlein kraut souil Magnet / oder gelbe Agstein / der Magnet aber wer
am besten. An statt der Tormentil / souil Natterwurz oder Boli Ar-
meni. Dis Pflaster ist auch gar trefflich gut zur weichung / herfür-
ziehung vnd zeitigmachung der beulen vnd geschwehren. Das glied
herumb ringsweiß beuorab wann es ein schwarze blatter ist / sol man
mit Garben / Wegdritt / Genseric / Gulden gansel / breiten oder spi-
zigen wegrich safft schmiren / Damit es mit weiter vmb sich brenne.
Oder man mag nemen Bolum Armenum, vnd mit weissen Gilgen
od Rosen öl ein Sälblein gemacht / vñ wie jeh angezeigt / gebraucht.

Letzlich sol man hiebey wissen / wann sich zufälliger weiß (wie es
offt beschicht) begeben / das einer nach dieser schwehren Krankheit
Wurm oder durchflüß bekeme / das er auch darfür am vñ beneuten
Terra Sigillata ein gewisse Arzeneij haben kan. Aber es darff ei-
ner auffß einneimen mit schwißen / wie man in der Peste thun muß.
Es sol auch ein jede Person ire alter nach vier Hersten oder Pfeffer
körner weniger nemen / als droben verzeichnet. Die jenigen so wüme
haben / sollen sich auch beneben in vnd vmb den Nabel mit S. Jo-
hanns kraut / oder Kauten / oder Wehrmuth öl zuuor zünlich ge-
wermt / oft im tag schmieren. Die aber mit den durchflüssen behaft
seind / die sollen auch beneben Rütten Latwerg oder Saurampfer
saft / oder Muscatnuß / oder Tormentill / oder Natterwurz / oder
Mandelmilch vñ dergleichen sachen brauchen. Doch sollen sie
mit diesen stücken nit zu geheling gestellt werden.

Souil sey geredt / wie vñ was gestalt man (mit verleyhung

Göttlicher Gnaden) durch die Terram Sigillatam am Baldinam die Pestilenz vnd der selben zufälligen Franckheiten Curiren vnd sich darvor bewaren sol. Jesundt wil ich auch wepfer anzeigen wie es wider andere schwere Franckheiten mehr zu gebrauchen sey.

Lixilich wann einem Giffte von Thieren / Metallen / Mineralien / Kreuteren / Schweimen / oder andern gewachsen inn speys / oder tranck gegeben wirdt / der sol von stundan diese Terram Sigillatam in einem guten trunck gemeinen warmen Wassers / oder Honig wassers / oder Baumöls / oder Nussöls / oder bitter Mandelöls / oder Behrmut Weins (der sehr bitter ist) einnehmen / vnd nicht dar auff schwitzen / das wirt ihn alsbald vnderwendt machen / vnd von ihm weg treyben / was Giffטים im Magen ligt. Wann er also gnugsam vngedewet / so sol er nit lang feyren / sonder als bald widerum ein Terram Sigillatam in einem kleinen trüncklein guten warmen Weins / oder der oberzehnten Wasser oder Träncker einem einnehmen / in welcher der jenig / so mit der Pestilenz behafft / einnehmen sol / vñ dar auff gar wol schwitzen / So wirt dardurch das vbrig giffte / so sich in dē Leib außgetheilt / weggetriben. Da er sich aber auff diß / noch ein wenig math vnd schwach befunde / so sol er nit nach lassen / hernach noch auff ein etlich tag alle morgen / oder auffss wenigst vber den andern tag allhey nüchtern ein Terram Sigillatam ein zunehmen / vñnd dar auff geschwitzt / damit das Giffte gar auß dem Leib komme. Man sol auch alhier mercken / wann einer morgens nüchtern dise Terram Sigillatam einnehmen thut / das im denselben tag / kein giffte / wie groß es ist / schaden kan. Vnd ist vnnötig / das einer dieser gestalt darauff schwitze.

Vim andern / Wann einer von einem Wütenden Hundt / Schlangen / Natern / Scorpion / Spinnen / oder andern Thiere gebissen oder gestochen wirdt / so sol er diese Terram Sigillatam auch inn deren Wasser oder Träncker einem einnehmen in welchem der jenig / so mit der Pestilenz behafft / einnehmen sol / Vnd wol darauff schwitzen / vnd sich hernach fernner aller dings halten / wie jetz von dem eingenommen giffte gemelt. Vber den biß oder stich / sol man deren Pflaster eins / so ich droben bey den Pestilenz Beulen vnd Geschwären erzelt / vberschlagen vnd darnach zur heylung bringen / wie am selben ort angezeygt.

Vim dritten / Wanneiner das Seytten Stechen oder Brustgeschwer / Pleuritis genannt / hat / So sol er diese Terram Sigillatam

tam in einem kleinen trincklein/ Cardo benedict oder Behedistel/ oder
Begwart/ oder Pfaffenblatten/ Oder Manstrew/ oder weyß Weg
distel/ oder Bocksbart/ oder Borago/ oder Pastemeykraut/ oder Sch
senzungen / oder Rittersporn / oder Braunellen/ oder Gulden Gun
sel / oder Stallkraut wasser/ oder inn einem Reth/ oder Fleisch oder
Erbsiß brülen einnehmen/ vnd darauff schwitzen so lang es die krafft
erdulden mag. Wer aber jeh berürte wasser nicht haben kan / der sied
die kreuter in gemein Brunnwasser/ vnd brauch es/ wie bemelt. Nach
acht oder neun stunden (wann es jm anderst krafft halben müglich) sol
er widerumb ein Terzam Sigillatam einnehmen/ vnd abermahls
darauff schwitzen. Volgends sol er sich die andern tag halten / wie
droben von den jenigen gemelt so an der Pestilens franck ligen. Er
sol auch im tag etlich mal / bevorab zu morgents vnd nachts von de
nachfolgenden Franck trincken. Mann sol Cardobenedict kraut vier
lot/ vnd Rosen honig oder gemeinen Honig zwölff lot in einer Maß
wasser/ auff ein gute stund sieden lassen / durch ein leines Tuch siehen/
vnd dann was durch gesigen/ gebraucht. An statt der Cardobenedict
mag man nemen/ der andern jeh bemeltē kreutern eins. Aber Cardo
benedict hat vor allen andern den preis. Veneben sol er auch von
der Latwerg / von Engelsieß/ Fenchelsamen / Erbsalsafft vnd Rosen
honig zugericht/ so man droben in der Pestilens verzeychnet finde/ im
tag gar offte schlecken/ vñ kan so offte darvon nit schlecken/ es ist jm gut.
Eusserlich sol man der schmerckleydenten seitē also zu hilff komē. Man
sol auch Cardo benedict / oder der andern jehberürten kreuter eins/ in
Baumöl/ oder butter/ oder Leinöl (d̄z am bestē/ wer es geruchs halben
leiden möchte) sieden lassen/ durch ein leines tuch seyhen vnd trucken/
wz durch gesiegen vnd getruckt mit demselben sol man die schmerckley=
dent seyten gar offte warm schmiren. Man sol auch darinn ein wällen
fleck eines tällers groß/ er sey blaw/ rot/ oder ander farben nehen/ vnd
d̄z öl ein wenig davon abtrucken / vnd warm vber die stechend seyten
gelegt/ Vnd diß sol auch offte beschehen. Die weil auch bey diser franck=
heit grosse hitz ist/ so sol man vber beide schläff/ stirn vnd Puls vorn an
beiden Henden / deren vber schlag einen/ so ich droben in der Pestilens
vnd hieunden in der Vagerischen franckheit verordnet anwenden.
Die solen an Füßen sol man mit essig darinn sals vermischet sey offte
reiben. Man sol auch vielmalens sich mit essig vnd wasser vnd einan=
der vermengt/ oder mit deren Gurgelwasser einē/ so man hieunden in

der Vngerischen krankheit verzeichnet findt/gurglen/vnd die Zungen schaben. Zu seinem täglichen vnnnd stetten tranck/ sol er eben dis tranck brauchen / so ich droben denjenigen/die mit der Pestilens behaffet/verordnet. Durch dise mittel allein/ werden die Drüst geschwehr/Scyppen stechen/Husten vnd enge des Athems / Zumal on die Aderläß abgewendet. Diser gestalt ist auch dise Terra Sigillata wider andere inwendig giftigen geschwehren mehrren anzuwenden.

Zum Vierdten / Wann einer mit dem Pestilensischen / giftig vnd hizigem Fieber/die Vngerisch oder new Hauptkrankheit genaüt/behafft wirt/ So sol er dise Terram Sigillatam in deren wasser einem/die ich droben in der Pestilens vnd Brustgeschwehren verordnet einnehmen/ vnnnd gar wol darauff schwitzen / auch sich nachfolgenden aller dings halten/wie von den selben krankheiten angezeigt. Den Latwerg von Engelsieß/Fenchel/2℞. dessen verzeichnus man droben in der Pestilens findt / sol er gar offte vnd fleissig brauchen. Vber bede schläff / stirn / puls vorn an bedenhenden/vnd vmb den hals/sol man Flöhkraut/oder Gensereich/in Rosen/oder holderblü / oder gemeinen essig gesotten/vberschlagen/vnd offte erfrischen. Oder man mag auch an deren statt/den vberschlag von den Krebsen/oder die andern/so ich droben in der Pestilens/zu abwendung des Haupts hiz verordnet/gebrauchen. Vorn am Leyb vber bede brüst/ sol man auch jeh bemelten vberschlag von den Krebsen anwenden. Oder man mag an dessen statt ein doppelt leinen thuch/in ein Rosen oder Holderblü/oder gemeinen essig/darinn zimlich vil klein geriben Alaun vermengt sey/nachen vnd vberschlagen/2℞. Die Solen an süßen/sol man ihm offte mit essig darinn Saltz vermischet sey/reyben. Dis sol alles ein gute weilt nach dem schweiß beschehe. Aber der vberschlag vber die schläff/stirnn / puls vnd vmb den Hals/mag auch im schwitzen gebraucht werden. Die Breun sol also abgewendet werde. Man sol nemen den Safft von Lebendigen gestossnen Krebsen/vnd Rosen oder Holderblü/oder gemeinen Essig jedes gleich/wol vnder einander gerürt/vnd sich offte damit gegurgelt. Oder man sol an dessen statt der nachfolgenden wasser eins gebrauchen. Man sol nemen ein halbe maß Braunellen / oder Hauswurz / oder Saurampffer/oder Ochsen zunge/oder Vehedistel/oder Lindenblü/oder breitwegrich/oder Saurklee/oder Sieblumen/oder Mangold/oder Rosen wasser/vñ vnder deren wassern eins/zwen löffel vol Saurack
safft/

safft/vnd ein halb lot Salmiter mengen/vñ sich/wie bemelt oft gurgeln. An statt des Saurach safft mag man auch nennen Maubber oder S. Johannis Berlein Safft. Man sol auch die zung offit mit einem zungen scheberlein schaben/auch ein schwemlein/oder thüchlein von einem Scharlach an ein riedlein binden in dis wasser neß/vnd also binden in Hals fahren / vnd alles wol darnit aufseubern. Man mag auch wol bis weillen/vom bemelten wasser etwas hinab in Leib lauffen lassen. Zu seinem täglichen vnd stetten Tranck/sol er eben dis tranck brauchen / so ich droben in der Pestilenz verordnet. Vor der Läß sol man sich als einem Giffte hüten. Diese krankheit hat ein theil vermeinte ärzt auff ein news wideruñ in die schul gefürt/das sie ihren lang hergeübten Methodum oder Proceß verändert / das aber (leyder) erstnach grossen schaden vnd verderbung der krankten beschehen / Gott verzeihe ihnen/vñnd geb gnad / das sie sich auch in andern stücken mehr darinn sie hochlich irren/ weisen lassen. Wer vor dieser krankheit/auch obberürten Seitten stechen/vnd Brust geschweren/ wil bewahrt sein / der sols wochentlich anwenden wie droben in der Præseruierung der Pestilenz angedeutet.

Zum Fünfften kan man dise Terram Sigillatā nützlich brauchen/wider das Vierteglich vnd allerley Fieber/wann mans in deren wasser oder trancken einem/ so ich droben in der Pestilenz vnd Brustgeschwehren verordnet / zwo stundt zuuor ehe das Fieber kommen sol/einnehmen/vnd wol darauff schwitzen thut/ vñ dis sol hernach so oft beschehen / bis das Fieber gar nach gelassen. Wann der Magen (Zunassen offter mallens beschicht) auff geschwellen thut/ So sol man in im tag etlich mal mit deren öl oder einem/so ich hernach im Grünen verordnen werde schmiren / vnd nach verzeichnets pflaster darüber legen. Man sol nemen zwo oder drey gauffen vol Haber oder Weizen kleyen/in ein hasen oder pfann gethan/ darüber soviel eßig gossen/das es ein muez gebe/ein halbe stund vngesehrlich gesetzt/dann in ein leines Säcklein Pflasterweiß gestrichen/vnd zimlich warm (das der Kranck erleiden mag) ober den magen gelegt. Wañ es kalt worden/sol mans widerumb wermen/vñ oft ein frische Materie darzu genißen. Ehe das man aber diese Terram Sigillatā anwendet/sol die Person zuuor wol purgiert sein. Vnd also werden die Fieber von grund auß curirt / außgenomien die Schwindsucht/darzu noch etwas mehrs gehören thut / dauon aber zu anderer zeit gehandelt sol werden.

Zum

Zum Sechsten ist diese Terra Sigillata gar dienlich vnd gut wider die Wasserucht vnd allerley Farbsucht / so man sonst Gelbsucht nendt / anderst nit gebraucht als wie jekundt von den Fiebern berichtet.

Zum Sibendē ist dise Terra Sigillata gut wider allerley Grimmen oder Reissen im Leib / wann mans in einem kleinen trüncklein warmen Baumöl / oder Sich mandel öl / oder zerlassen butter / oder Lein oder Lor öl (welche zwey dem sie nit zu wider / am besten weren) einnemmen thut. Wer es also nicht wol trincken kan / der mag darzu mengen ein Muscatell / oder Reinsfall / oder sonst einen guten stessen wein. Wer auch schmerkens halben nit darauff schwitzen kan / der darff nit schwitzen / Aber sol sich sonst warm halten. Inn vnd umb den Nabel / vnd wo er sich schmerglichs befindet / sol man ihn mit nachfolgendem öl oder Selblein offft vnd viel mal warm schmiren. Man sol Cardo benedict kraut inn Baum oder Lein öl oder Butter zwo stundt oder etwas lengers sieden lassen / vnd darnach durchseyhen vnd trucken / vnd was durch gesigen vnd getruckt / mit demselben sol man ihn (wie angezeigt) schmiren. Diese jek bemelte öl weren viel krefftiger wann mans nach dem sieden Distilliert hett / vnd zur notturfft behalten. Man sol auch einen Wullen fleck eines Fällers groß in dieser ölen eins nehen / das öl ein wenig darvon abtrucken / vnd warm vber den Nabel legen vnd offft erwidern. An statt Cardo benedict mag man Schelkraut / oder Brennendtnessel / oder Berenklaw / oder Bermuth nemmen. Vor kaltem vnd saurem essen vnd trincken sol er sich als einem Giffi hütten. Also auch vor Purgieren vnd Erstickieren / Damit man in gemein die Leut pflegt zu blagen / Dann dadurch die Contractur (wie man auß erfahrung weiß) geziglet wirdt. Wann die Kranckheit auff ein eingenommen Terra Sigillata nit gar weg gangen / so sol mann noch öffter eins brauchen.

Zum achten wirdt durch diese Terra Sigillata die Contractur voder Leme von grundt auß abgewendet / Man sols in einem kleinen trüncklein warmen Rautten / oder Erdrauch / oder Cardo benedict wasser / oder inn einem Meth oder Bier / oder Reinsfall / oder Maluasier / oder Muscatell / oder Alandt / oder Cardo benedict / oder Salue / oder Benedict wurz / od Negel / oder Beckholderbeer / od Rosmarin / oder sonst gemeinen Wein oder Suppenbräulein / einnemmen / vñ in einem schweißbad (das allein von Beckholder Steudlein /
oder

oder Scheffelkraut/oder Berenklaw/oder Ehrenpreis/oder Gamander/oder Menwelwurz/oder Tausentguldin Kraut sol zugericht sein)gar wol darauff schwißen/so lang es die krafft vnd natur erleyden mag. Im bad sol man beneben die Juncturen oder geleych mit deren öl oder Salben einer / so ich nechsthicoben im Grimm zum bauch außwendig verordnet gar wol schmieren. Der bäder sol man etlich vnd vil brauchen/ vnd alle tag oder vber den andern tag eins. Wann mans aber nit alle tag braucht/so soll man denselben tag/an welche man ruhet/die Juncturen oder geleych(wie auch sonstien wann man badt)zu morgens/vnder tags/ vnd nachts mit bemelten öler oder Salben einer warm schmieren. Wer mit diser krankheit behafft/ sol sich eben vor dem hüten/daruor sich hüten sol/so das Grimm hat.

Zum neundten/ Ist dise Terra Sigillata gar ein bewerte Arzenei zu dem Gries oder Sandt / Harn wind vnd verhaltung des wassers. Es sol ein jede Person ihrem alter nach vier gersten oder Pfeffer körner weniger als droben in Curirung vnd heylung der Pestilenz verzeichnet/in einẽ kleinen trüncklein weckholderbeer/oder Erdber/oder Cardo benedict/oder harnkraut/oder Stallkraut/oder Storckenschnabel/oder Bibernelkraut/oder Peterlinkraut/oder Meerhirschen kraut/oder Köpffel/oder Manstrew wasser/oder in einem Reeth/oder Reinsal/oder Allandt/oder Cardo benedict/oder Wehrmuth/oder Benedict wurz/oder Rosmarin oder Weckholder beer/oder sonst gemeinen Wein einnehmen / vnd gleich darauff in ein Lenden bad / allein von acht oder neun handvol Stallkraut oder Manstrew kraut/oder Weckholder steudlein/oder Sanct Johannis kraut zugericht/bis an nabel sitzen/vnd so lang baden bis der schmerz weg gangen. Man sol aber achtung geben / daß das bad/mit zu heiß seye. Nach dem bad sol man die Lenden oder geschlossen mit Leinöl/darinn Manstrew oder Stallkraut gesotten sey/oder mit S. Johannis öl warm schmieren. Wann durch ein bad der Sandt nit gar weg genommen / so sol man folgende zeit öfter eins brauchen/ vnd so offte bis man nichts mehr spüren thut. Ist auch sach/ds sich ein grosse verstopffung des Leibs (wie gemeinlich bey diesem anligen beschicht) angefest/so sol man zuuor derẽ Stulzäfflin eins/ so ich droben in der Præseruierung vnd bewahrung vor der Pestilenz verordnet/anwenden/vnd weren gleichwol hierzu die lezt gezeigten Stulzäfflin von Senet zugericht am besten. Der aber auff den Gries oder Sandt

Genaturt vnd hinfürs daruor wil bewahret sein/der sol seinem altes
nach wechentlich einmal oder zwey/oder drey mal auff's meist von di-
sem Terra Sigillata souil vnd der gestalt morgents nüchtern ein-
neimen / als droben in der Præseruierung vor der Pestilens verord-
net. Doch wer auch beneben nutz vnd dienstlich / das einer Monat-
lich ein geringe Purgation gebraucht het. Wer diesem Raht nach
kompt/darff sich des Griesß oder Sandts nit besorgen.

Vm Zehenden / Ist dise Terra Sigillata gut zur Reinigung
der Muetter/vnd verhaltung der Weiber Blumen. Man sol
einneimen in einem kleinen trüncklein Cardobenedict/oder Be-
ren klaw/oder Beyfuß/oder Metter/oder Wegwart/oder Melissen/
oder Bethonica /oder Andorn/oder Erdtrauch/oder Tausend gul-
den wasser. Oder wann man diser wasser eins nit haben kan/sol man
an deren statt Cardo benedict/oder Allandt/oder Wehrmuth/ oder
Rosmarin/oder Beckholder beer oder sonst gemeinen wein/ oder ein
warms Suppen brülein gebrauchen/vnd wol darauß geschwitz. In
vnd vmb den Nabel/Geschlossen vñ hinten am Creuz des Ruckens/
sol man die franck Person mit deren kreuter ölen oder Sälblin ei-
nem/so ich im Grünen verordnet/offt vnd etlich mal warm schmie-
ren/vnd sich auch sonst vnd nachfolgents halten/wie im Grünen
vermelt. Ehe das man aber diese Terram Sigillatam braucht/sol
der Leib zuuor zimlich purgirt sein.

Vm Elfften / Ist diese Terra Sigillata gut für das Muetter
Zwehe/vnd auff stoffung derselben. Man sol einneimen in deren
wasser oder träncker einem/so ich nechst hieoben in der Muetter
reinigung verordnet/vnd gar wol darauß schwitzen. Inn vnd vmb
den Nabel / sol man die franck Person mit nachverzeichneten öl
oder Sälblin oft vnd vil mallens marm schmiren. Man sol Metter
kraut im Baum oder Lein / oder Nuß öl / oder butter sieden lassen/
vnd darauß ein öl oder Sälblin machen/wie droben im Grünen an-
gezeigt. Man sol auch einen wällen fleck eines tällers groß darcin ne-
gen/vnd das öl ein wenig abtruckten vñnd warm vber den Nabel le-
gen. An Metterkraut statt mag man neimen Stabwurz/od stinck-
hendt Gamillen/oder Liebstückel. Man sol ihr auch der jetz gedachten
kreuter eins stetigs für die Naslöcher halten/daran sie rieche. Son-
sten vnd nachfolgends sol sie sich halten aller dings / wie im Grim-
men angezeigt.

Zum

Zum Zwölfften / Ist diese Terra Sigillata gut wider das Ruck
wehe / so von flüssen oder geblüt kompt. Man sols einnehmen in
deren wasser oder Träncker einē / so ich droben in der reinigung
der Muetter verordnet / vnd gar wol darauff schwitzen. Vor vnd
nach dem schweiß / sol man ihn mit deren Kreuter ölen oder Sälblin
einem / so ich droben im Grimmen verzeichnet / an dem Rucken da er
sich schmerzlich empfindet schmiren.

Zum dreyzehenden / Ist diese Terra Sigillata gut zu auß tren=
zung alles verstockten bluts / auch zur reinigung des ganzen ge=
blüts im Leib / Item zu allen vnwissenden / onerkanten / geschlin=
gen franckheiten. Man sols eben also brauchen / Wie jez vom Ru=
ckenwehe gemeldet. Wer es auch im Jar etlich mal einnimpt / vnd
darauff in einem Bett oder kreuter bad (von deren kreutern einem /
so ich droben in der Contractur oder Lemie verzeichnet / zugericht)
wol schwitzen thut / der darff kein Ader öffnen lassen / vnd ist jm auch
vil vnd weit besser / nützlicher vnd gesunder / dann das Aderlassen /
dardurch bißweillen mehr guts dann böß weg genommen wirt. In
Summa es ist ein solch gwalltige reinigung des geblüts / dardurch
auch der Aussatz kan vertriben werden / Inmassen ich dann darmit
etlichen an diser schwehren franckheit (wie wissentlich) geholffen.

Zum vierzehenden / Kan man diese Terram Sigillatam ganz
erspreußlich brauchen zur Fallend sucht / Freyß oder Vergicht /
Schlag oder Gewalt Gottes / Labung vnd erquickung des Le=
bens / Wie ich dann damit gar vil Leut / so in Todtsnöten gelegen /
vnd gar nit mehr reden können / der massen erquicket / das sie die sprach
widerumb bekommen. In diesen sellen / sol man der Terra Sigillata
so viel eingeben / als droben in der Präseruierung vnd bewahrung
vor der Pestilens berichtet. Wann man aber die Fallend sucht vnd
Schlag von grund auß heilen wil / so muß man sie zuuer wol Pur=
giren / vnd hernach offermallens dieser Terra Sigillata so vil ein=
geben / als droben in der Curirung vnd heylung der Pestilens ver=
ordnet / vnd allweg darauff geschwitz.

Zum Fünffzehenden / Wer in der wochen ein mal oder zwey von
diesem Terra Sigillata etwas einnimpt / dem wirt das haupt /
Bedecknuß / Vernunft / Sinn / vnd der ganz Leib gewaltig ge=
sterckt. Es hat auch einer daran ein guts Präseruatiff für de schwin=
del vnd villerley franckheiten. Wie viel aber ein jede Person jres al=
ters auff

ters auff einmal einnehmen sol / wirt man droben in der Praferuierung vnd bewahrung vor der Pestilenz gnugsam berichtet finden.

Zum Sechzehenden / vnd Summariter zu melden / ist diese Terra Sigillata ein krefftig vnd bewerte Arzeney zu den Franckosen / vnd des Nils / vñ allerley anderer innwendiger glieder verstopffung / auch zu andern franckheitē noch vil mehr / vnd ist bevor ab zu disen franckheiten zu brauchen / darzu man bißhero das Indianisch holtz / so wir doch bey vns in Teutschland dergleichen heilker viel besser vnser Constitution nach vnd hauffend weiß wachsend haben / davon ich in meinem Herbario (wils Gott) wie auch von andern baumen / kreutern / wurzen / ꝛc. Mehr / so bey vns ganz gemein / vnd aber doch jr Tugenden vnd krafft biß anhero nie erkandt / vnd im brauch gewesen / außfürlich vnd mit rechtem grunde berichtet wil) gebraucht / Vnd was dis holtz nicht kan verrichten / verricht diese Terra Sigillata. Das es aber zu souil franckheiten gut vnd ersprißlich / darff sich niemand verwundern / Dañ die Proben vnd Exempel am tag / kans auch / wañ es die noth erfordert nit mit wenig Rationibus vnd Argumentis darthun / Inmassen dann wol etliche in disem meinem bericht (wer achtung darauff gibt) zu finden seind. Aber du mein widerfacher / wer du bist / sihe an dein Indianisch holtz / dein Teriacum / dein Mithridatum / dein Auream Alexandrinam / dein Agaricum / dein Turbit / dein Rhabarbarum / deine Hieras / deine Philonia / deine bader / ꝛc. So wirt dir schon geantwortet sein. Wer dem Gewicht vnd Bericht nach handelt / wirt nit irren.

Zum Sibenzehenden / Damit am Bericht nichts mangle / so sol man allhie etliche Regel merken. Anfenglich wann man die wasser sohin vnd wider in diesem Bericht verordnet nit haben kan / Sol man an deren Statt (wie es auch besser wer) die kreuter in wasser sieden vnd (wie bemelt) brauchen. Vnd ob woln ich subtiler vnd künstlichere zubereitungen wuste anzuzeigen / so laß ichs doch / damit der Bericht nit zu groß werde / verbleiben. Es wurd auch nit ein jeder den fleiß vnd mühe darzu anwenden. Item dieweil nit vberal bey den franckheitē berichtet / wie vil man des Terræ Sigillatæ einnehmen sol / so sol man wissen / das allweg ein jede Person ihrem alter nach / souil einnehmen sol / als droben in der Curirung vnd heylung der Pestilenz ordentlich verzeichnet. Item man sol auch fleysig merken wann auff ein mal durch ein ingenossine Terra Sigillata
die

die krankheit nit gar weggangen (wie nit allzeit wol mütglich) so sel man öffter eins brauchen/kans auch einer nit alle tag nacheinander einnehmen/so mag er allweg einen tag ruhen/vñ auff den dritten tag hernach brauchen/vnd also fort an / bevorab/wann es nit giftig vñ gar hefftige krankheiten seind. Item was in krankheiten für zu fell sich begeben/wirt einer bericht haben/da ich von der Pestilens gehandelt. Item es sol ein jeder wol wissen/das er grob vnd ewige speiß vnd tranck meyden sol. Item wann einem die Bitterkeit in diesem Terra Sigillata zu wider wer/So mag einer einnehmen (es sey gleich was für ein krankheit/darzu es/wie obē berichtet/gut ist) in einem meth/oder mag vnder Zucker oder Honig/weil es nicht mil ist / mengen. Item man sol achtung geben/dz mans morgents nächtern einneim/vñ brauche/vnd drey oder vier stund yngefehrlich darauff faste/Insonderheit wañ es nit giftig/geschwind vñ gar schmerzliche krankheiten seind. Dann in solchen krankheiten mus man nicht auff die morgenzeit sehen vñnd warten / Sonder als bald vnd von stundan anwenden/doch nicht gar gleich auffessen.

Zum Achzehenden/damit kein betrug vnd falsch mit diesem Terra Sigillata geübt werde / wil ich anzeigen / wie mans proben sol. Man sol ein wenig von diesem Terra Sigillata auff ein messer spiz legen/vnd zu einem liecht heben/ So wirts von stundan anfangen brennen/vnd gar ein vberaus lieblichen geruch (wie es damit auch sonst lieblich riechen thut/wans schon nicht angezündt wirt) von sich geben/vnd ganz vnd gar verbrünnen. Dardurch ist nun leichtlich abzunehmen / wie vnd was gestalt es durch alle glider (das doch ohn allen schaden vnd verletzung derselben beschicht) Penetrirē vñd gehn/auch das vnrein vñnd oberflüssigkeit weg nemen kan/das den groben vnghescheidnen Arzeneyen zu thun vnüttglich. Da aber ein neydischer mensch jemandt dise Arzenei vertheidē wolt/mit fürgebung/weils aufwendig brünne/so mus sie auch im Leib also brünnen. Hier auff sol man wissen/das es gewislich nit also zugehe/sonder eben der gestalt / als wann man Myrrhen / oder Weyrach oder Mastix bey einem liecht anzündt / so brünnen sie auch/aber beschicht drumm im leib nit/sonder seind (wie mann weiß) vnshedliche Arzeneyen. Also sol mans auch von diesem Terra Sigillata verstehn. Ferner so ist sie auch zimlich bitter / vnd wann einer wenig dauon versucht/so empfindt er als bald das es von stundan in kopff riecht/

vnd den selben sterckt. Vber diß wann mans puluert / vnd dar-
nach in ein Wein oder Wasser thut / so gilbt sie es / vnd schwimbt ein-
theil ob wie ein öl oder feyhte / vnd ein theil felt gehn boden. Es zer-
geht zwar von ihm selber auch ein einem Wein oder Wasser / aber
langsam. An der forn ist sie braunlecht vnd rund / vnd mein Namen
mit Einzigen Buchstaben darauff in Triangeln. Es ist auch diese
Terra Sigillata in dem fünffzigsten Jar so gut vnd krefftig / als
in dem ersten Jar / wann mans nur an kein feuchten oder dempffi-
gen orth auff behalten thut /

Endlich vnd zum Beschluß / da mich etwa ein theil vermeinte
Arzte dieses meinen Berichts / vnd Methodi halben / dieweiln
der selb nit auff die gemein falsch Geygen gerichtet / stumpffi-
ren wurden / Inmassen ich dann wol weiß / das es nicht ganz vnd
gar lehr schlagen wirdt / so sol man wissen / das dasselb von ihnen an-
derst nicht beschicht / als auß neyd / mißgunst vnd vnverstandt / das sie
dieses meines Terra Sigillata eigenschafft vnd würckung nit erken-
nen. Aber es ist bisshero meinen Mißgönstern etlichen vermeinten
Arzten das maul durch die vilfaltige Exempla gestopfft worden / sol
ihnen auch hinfüro durch dieselb gestopfft werden. Der Exempel
seind etlich Tausend / darumb mir zeugnus geben / Böhem / Beyren /
Schwaben / Ober vnd vnder Oesterreich / Pfalz / Merhern / Bo-
denssee / Altgöw / Nortgöw / vnd andere Landschafft vnd Herrschafft-
ten mehr. Kan mir auch kein einzige Person (Gott lob) fürgestellt
werden / die dardurch wer verderbt worden / wie dann auch keine mit
warheit sagen kan / das sie ihr vbel bekommen / oder ein inopinatum
accidens darzu geschlagen wer / das doch sonst oft von gar linden
Arzeneyen als Cassia / Manna / &c. beschicht. Da sie aber meine wi-
dersächer damit noch nit wollen gestult sein / sollen sie wissen / das ih-
nen künfftiger zeit (mit verleihung Göttlicher gnaden) durch mich
schrifftlich nach der gebür sol auß geleutet werden / wie etwan hievor
auch durch etliche mündlich / auch öffentlich Colloquia beschehen.
Vnd obwoln diese Terra Sigillata wegen seiner fürtrefflichen tu-
gend vnd eigenschafften allein für grosse Potentaten als Keyser /
König / Fürsten vnd Herren gehöret / Hab ichs doch auch dahin rich-
ten wollen / das es die schlechten vnd Armen Leut eben so wol als die
aller gwaltigsten vnd Reichisten genießten vnd theilhaftig sein / vnd
zur notturfft haben mögen / vnd also damit nicht einer Statt vnd
Landt /

Landt/sonder vilen gedient könne werden. Wer demnach die self
begehrt zu haben / der kan es bey mir an jeso zu Thonawerdt / oder
bey meinem geschlecht/da ich nit mehr im Leben wer/vmb ein gar ge-
ringes gelt (souil sonst gar schlechte Arseneyen inn der Apothecken
kosten thun) Nemlich eins vmb vier bagen bekommen / vnd sol kei-
nem versagt werden. Daran hat einer nicht einen schlechten Schatz
für vilerley schwehre krankheiten. Mir zweiffelt auch nit/werden
vil vnder meinen widersachern sein / die darmit künstlen vnd hoffart
treiben werden / vnnnd darneben fürgeben / es kom̄ von ihrer eignen
kunst her. Mit der zeit wil ich auch menigklich zu nus vnd frommen
einen Bericht im Truck außgehn lassen / wie ihm ein jeder self vber
land vñ sonsten (durch Göttliche verleihung) am Auffatz/Schwind
sucht / Podagra / Fistel / Krebs / Wolff / Stein vnd Brüch ohn
schneiden/auch all andern krankheiten/so man bisshero für heylbar
vnd vnheilbar gehalten / von grund auß helffen / vnd mit gar wenig
stücken ein ganze Apothecken haben könne. Das ich aber an
denen jez benendten Krankheiten (durch Gottes
genad) vilen geholffen/darff keines be-
zeugens/dann es Landt-
kündig.

Gott allein gib ich Preys vnd ehr/
Der allen meinen feinden wehr.
Liegen sy viel von mir auß neydt/
Wirt ihnen bringen schlechte freudt.
Leichter ist's das gut vnd recht sehenden/
Dann nach zuuolgn vnd besser wenden.

DIXI.

Anno Salutis. M. D. LXXXI.

Getruckt zu S. Gallen / bey
Leonhart Graub.


Handwritten text, likely bleed-through from the reverse side of the page. The text is mirrored and difficult to decipher due to its orientation and fading.


Handwritten text, possibly a title or a section header, written in a cursive script. The text is mirrored and difficult to decipher.

DIXI

M. D. LXXXVI

Handwritten text, possibly a signature or a date, written in a cursive script. The text is mirrored and difficult to decipher.





172

170

